

Kulehesha Ntanta mu Kulela : Mvungula ya makanda a mubidi ne ditanta mu diku dienu

Mukanda udi musonsolodi mua kubala bua kuyikila pa
kulelehesha ntanta mu kulela




**In July 2011, FHI 360 acquired the
programs, expertise and assets of AED.**



FHI 360 is a nonprofit human development organization dedicated to improving lives in lasting ways by advancing integrated, locally driven solutions. Our staff includes experts in health, education, nutrition, environment, economic development, civil society, gender, youth, research and technology – creating a unique mix of capabilities to address today's interrelated development challenges. FHI 360 serves more than 60 countries, all 50 U.S. states and all U.S. territories.

Visit us at www.fhi360.org.



Diku dia disanka ne dibanjika

Lukonku lua dikokangana :

Tshinudi nu mona tshinyi pa tshimfuannyi etshi ?

Tangilayi bimua bipeta bimpa bidi diku edi disanka nabi kubidi bitangila makanda a mubidi :

- Mamu muimita mafu bilenga ne ulama busonga buenda.
- Bana mbaledibua ne bukole ne makanda a mubidi mimpa.
- Bana mbonso badi bondopibua padi masama abakwata.
- Tatu ne mamu mba diakalenga ne kabena ne bualu.
- Bantu bonso badi ne ndambu wa biadidia bikumbana.

Tangilayi mushindu udi diku edi dia diesa :

- Tatu ne mamu badi ne ndambu wa lupetu bua kukolesha bana bimpe ne ku ba longesha kalasa.
- Tatu ne mamu badi ne diba dikumbana bua kutangila bana babu.
- Tatu ne mamu badi ne diba dikumbane bua kukumbaja bivuabu basua kuenza nanga nanga kupeta lupetu.
- Tatu ne mamu banemekibua kudi lokongu lujima.

Lukonku lua divuluija :

Buenu nuenu, mbuatshini nudi nuela menji ne diku edi didi dipeta bintu bionso ebi bimpa ?

Diandamuna :

Kamua ka kutubingila mbualu bua mbasungula mushindu muimpe bua kulehesha ntanta wa dibalela.



Dilehesha ntanta wa mu kulela ntshinyi ?

Lukonku lua divuluija:

Tshinudi numona tshini bua bidimu bia bana ?

Diandamuna :

Baledi balehesha ndelu ya bana babo panyima pa bidimu bisatu.

Kulesha ndelu tshidi lusapi lua ditshinka bana mu diku.

- Mbuena kuamba ne, kudi bidimu bisatu pa nkatshi pa ndelu ibidi.
- Tatu ne mamu badi bindila nvula ibidi bua mamu kuimita kabidi.
- kulehesha ntanta mu kulela kudi kupesha mamu tshikonde bua mubidi wenda kuikishawu kumpala kua kuimita difu dikuabu.
- kulehesha ntanta mu kulela kudi kupesha mamu tshikonde bua mubidi wenda kuikishawu kumpala kua kuimita difu dikuabu.
- Biobi ebi bidi bileja ne bana aba badi baledibua ne makanda a mubidi.

Malu makuabu a bulongolodi bua kulela kulenga adi akula pa :

- dipangadika dia tshikonde tshia kubanga kulela bana.
- dipangadika dia bunyi bua bana badibu bajinga kulela.

Lukonku lua dikokangana :

Tshidi tshi nu luila mungenyi ntshinyi panudi nuela menji bua kulehesha ntanta mu ndelu ?



Diku didi kadiyi dilehesha ntanta mu buledi

Lukonku lua dikokangana :

Mmalu kayi anudi numona pa tshimfuanyi etshi ?

Monayi imua ya ku ntatu idi diku edi disambakena nayi bualu bua ki mbanemekela bua kulehesha ntanta mu kulela :


- Mamu udi mubungama bualu bua dilela ne ntatu yonso yidi ipita mu diku diabu.
- Bana kabena ba sankana nansha.
- Diku ka diena ne lupetu bua kondopeshesha muana udi usama.
- Diku ka diena ne kaba ka kudima bua kupeta ndambu wa biadidia bua bantu bonso.
- Diku ka diena ne luhetu lukumbana bua kulongeshesha bana kalasa.
- Tatu mutatshi wa yombo ne pa buipi ne kupeta masama.

Lukonku lua divulgija :

Nudi nuela menji ne bana badi pa tshinfuani etshi baledibua bashilangana ntanta wa bidimu bisatu pa kuledibua kuabu anyi ?

Diandamuna :

Buala. Bana ka bena bashilangana ntanta mudibi bikengidibua nansha.



Disambakena dia Ilunga ne Kapinga

Ilunga ne Kapinga badi ne bimanyishilu ebi:

- Banangangana.
- Mbaselangana.
- Badi ne muana umua wa ngondu mikese.
- Mbasua kubanga kuakaja matuku abu alualua.

Lukonku lua dikokangana :

Mmalu kayi anudi numona pa tshimfuanyi etshi ?

Monayi menji adibu munkatshi mua kuabanyangana :

- Mushindu wa kumûna udibu bananga kupeta.
- Nzubu udibu basua kusomba.
- Bidibu basua bua bana babu.
- Mushindu wa kulama mwan'abu.



Ilunga ne Kapinga badi bumvua lumu lua kulehesha ntanta mukulela mu diku

Dimua dituku, Ilunga ne Kapinga mbalua kudasamba kudi basonsolodi bua kubumvuija pa bidi bitangila mubelu wa kulehesha ntanta mu bana :

- Bua mubelu wa kuleheshantanta mukulela bana , munganga mufudi wa mibelu udi mua kunuambuluisha bua kubanga kulehesha ntanta mu bana mu mushindu mukumbana.
- Bantu bonso badi mua kuya ku nzubu ya tshiondopelu ya pabuipi nabu bua kuangata mubelu bua bualu ebu bua kulehesha ntanta mu kulela bana.
- Mubelu ewu badi baufila tshianana
- Baluma badi mua kuya nkayabu nansha bakaji pabu, anyi baluma badi mua kuya ne bakaji babo popamua.

Lukonku lua dikokangana :

Nudi nuela menji ne Ilunga ne Kapinga ne baya ku mubelu ewu wa dilehesha ntanta mu buledi pamua anyi ?



Ilunga ne Kapinga badi baya pamua ku nzubu wa londopu bua mubelu bua kumanya mua kulehesha ntanta mu buledi

Padi Ilunga ne Kapinga bafika ku nzubu wa londopu :

- Munganga, mufidi wa mubelu udi ubêla moyi anyi ubakidila.
- Badi bafunda mena abu kudi munganga mufidi wa mubelu bua kulehesha ntanta mu diku .
- Padi bu bandamuna, munganga mufidi wa mubelu udi ubumvuija ne Kapinga utshidi mukumbana bua kulela bana kakuyi bualu, bualu bua udi ne bidimu pankatshi pa dikumi ne muanda mukulu ne makumi asatu ne binayi (18 ne 34).
- Kupeta bana muinshi mua bidimu dikumu ne muandamukulu(18), balondangana ne bashilangana ntanta wa muinshi mua bidimu bibidi (2), bapita bunyi pamutu pa bana basambombo(6), ne kulela bana padi mamu mupitshisha bidimu makumi asatu ne itanu, bidi mua kuikala njiwu bua bakaji, bua tatu ne mamu, ne bua diku.

Lukonku lua divuluija :

Ne bidimu bunyi kayi mukaji udi mua kubanga kulela bana mushindu mukumbane ?

Diandamuna :

Mukaji udi mua kubanga kulela kunyima kua kukumbaja bidimu dikumi ne muanda mukulu (18).



Ilunga ne Kapinga badi batshinka


Munganga udi wela nkonku wenda munda kudi Ilunga ne Kapinga bua kubambuluisha mu mushindu wa kulehesha ntanta mu kulela bana :

- Panyima pa bidimu binga mbasua kupeta muana mukuabu?
- Mbasua kupeta bana banga?

Panyima pa muyuki wabu ne munganga, Kapinga ne Ilunga basua kulela bana basatu bashilangana ntanta wa bidimu bisatu. Bavu ne buakuindila bidimu bibidi kumpala kua kupeta muana muibidi.

Lukonku lua dikokangana :

Mushindu kayi udi Ilunga ne Kapinga mua kuindila bidimu bidimu bua kushisha kupeta muana mukuabu ?



Kapinga ne Ilunga badi bayila bua kulela bana ne ntanta, mu kunua tumuma

Munganga mufidi wa mubelu udi umvuija ne kudi mishindu ya bungi ya kubabidila dimita difu. Kapinga udi ukokangana nenda bua kumanya mushindu wa muimpa mutamba mikuabu.

Munganga mufidi wa mubelu udi umvuija ne tumuma tua kunua tudi :


- Ne bukola butamba.
- Badi batunua ne mayi dituku dionso kudi bakaji bua kubabidila dimita.
- Kudi bamua bamamu tudi mua kubatatshisha kadi tuntantu tukesha.

Lukonku lua divuluija :

Mushindu kayi udibu babikila mushindu wa kulehesha ntanta ewu?

Diandamuna :

Buanga bua tumuma.



Kapinga ne Ilunga mbayila bualu bua kandundu anyi kapota

Munganga mufidi wa mubelu udi umvuija ne :

- Kudi tundundu tua bantu baluma ne tua bakaji
- Tudi ne bukole bua bungi mu dibabila dimita mafu ne kuepuka masama a tshiandu mu dipetangana dia muluma ne mukaji.
- Tundundu tua bantu baluma badi batuvuala kumubidi yabu tshikonde tshia dipetangana dia muluma ne mukaji.
- Batu ba tuenzela musangu umwehele

Lukonku lua divuluija :

Tundundu tudi tubabidila kutshinyi ?

Diandamuna :

Mafu kaayi majinga ne masama a tshiambu kudipetangana dia muluma ne mukaji.

- Panyima pa dipetangana badi ne bua kutuimansha
- Katuena ne ntatu idi ilonda nansha.

janvier						
L	M	M	J	V	S	D
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	31				

février						
L	M	M	J	V	S	D
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28

mars						
L	M	M	J	V	S	D
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	31				



Kapinga ne Ilunga mbayila pa manga a mu nshingi (Depo Provera)

Munganga mufidi wa mubelu udi unvuija muluma ne mukaji ne kudi buanga bua mu nshinyi, buikale bukole, mbuteketa bua ku buenzela, budi bu kanda dimita ne budi bukengela kuangata. Dina diabu : le Depo provera. Badi :

- Babutua mu ka lushinyi ku diboko dia mukaji ku nzubu wa londopu.
- Badi ba butua musangu umwe spanyima pa ngondu isatu.

Munganga mufidi wa mubelu udi webeja Kapinga mushindu kayi udiyi musue kuenzela bwa kuepuka dimita difu.

Kapinga udi wamba ne mmusua buanga bua mu kashinyi (Depo Provera) bualu bua mbuhehela kutamba makuabu onso.

Munganga mufidi wa mubelu udi umutwa buanga, ditua dia buanga didi diangata tusunsa tukesu.

Munganga mufidi wa mibelu udi umuambila bua ne apingananka panyima pa ngondu isatu (3) bua ku mutuabu kabidi buanga anyi yeya mumvua bimumatshisha apinganuka Kumpala kua ngondo isatu (3) kayi mianji kukumbana.

Pikale buanga bua kalushinyi lu mutatshisha, munganga udi mua ku mukebela mushindu mukuabu udi mua ku mukumbana.

Lukonku lua divuluija :

buanga ebu bua ditua mukashinyi « DEPO PROVERA » budi ne bukole mumubidi tshikonde bula kayi ?

Diandamuna :

Ngondu isatu.



Kapinga ne Ilunga badi bayikila pa bualu bua kulehesha ntanta wa bana mudiku

Kapinga ne Ilunga bumbuka ku nzubu wa londopu, badi basambakena ne baledi ba Ilunga mu njila. Kapinga ne Ilunga babanga ku bambila bua dipangadika diabu dia kulehesha ntanta ya bana mudiku diabu.

Lukonku lua dikokangana :

Nudi nuela menji kayi bua muenenu wa diku dialabala kubidi bitangila dipangadika dia kupeta bana basatu (3) bashilangana ne ntanta ya bidimu bisatu ?

Kapinga ne Ilunga badi bumvua muenenu mishilangana ya diku dialabala.

Nunku badi bumvuija :

- Bamunangana ne munganga mufidi wa mubelu mu malu a ditshinka dia bana ku nzubu wa tshiondopelu.
- Bangata dipangadika dia kupeta bana basatu (3) ne ntanta wa bidimu bisatu (3) pa muana.
- Badi bumvuija ne ditshinka dia bana didi dibaka makanda a mubidi a bana ne dikola dimpa, bualu bua nebapeta makuta a bungi bua kubumbila muana yonso lupetu.
- Badi bumvuija mushindu udi kutshinka kua bana kudi kuakajulula dikumbana diabu dia kukuba matuku atshilualua a diku dialabala, pikalabu mua kupeta bana bakesa ne bobaba ne bikale ne bua kulongeshibua biakana.

Lukonku lua dikokangana :

Mushindu kayi udi ditshinka dia bana mua kuambuluisha diku dialabala ?

Umua wa kumushindu ngua se ditshinka dia bana didi diambuisha diku dialabala mu mushindu ewu, diku edi ne dipeta bintu bia bungi bua kuambuluisha diku dialabala, pikala diku edi mua kupeta bana bakesa.



Kapinga udi upinganuka ku nzubu wa londopu bua kulehesha ntanta mu kulela

Panyima pa ngondo isatu (3) yonso Kapinga udi upinganuka ku nzubu wa londopu bua kuangata buanga bua ditua mu lushinyi.

Bidimu bimana kupita, Kapinga ne Ilunga bamona malu abu enzeka muvuabu basue :


- Balela bana babu basatu.
- Benzela mushindu uvuabu basue bua kulehesha ntanta wa bidimu bisatu pa nkatshi pa ndelu yabu.

Lukonku lua dikokangana :

Mushindu kayi udi di tshinka dia bana ku diku diambuisha Kapinga ne Ilunga ?

Bimua bintu bidi Kapinga ne Ilunga bapeta :

- Makanda mimpa a mubidi bua diku dijima.
- Dishemesha dimpa dia malanda umua kudi mukuabu.
- Lupetu lukumbana bua kulongeshesha bana babo ne kuba kuba bimpe.
- Lupetu luvumvuka bua kualabaja madimi ne kuenda mushinga.



Diku dijima dia Kapinga ne Ilunga ne diku diabu dilabala badi ne makanda a mubidi tumatuma ne mbata bikola

Kapinga ne Ilunga mubusambi bua baledi ba Ilunga. Badi bela bîkulu babu mioyi ne badi ne disanka dia kumona se :

- Bantu bonso badi ne bukole bua mubidi.
- Bana bonso batu balonga kalasa.
- Diku dionso dijima didi disanka ne bukubi bua lupetu.

Lukonku lua divuluija :

Tshinganyi tshidi baledi ba Kapinga ne Ilunga mwa kwenzabu bua kusonsolola meku makwabu mudiya mu londapu bua kupeta mibelu ya kulela ne ntanta ?

Diandamuna :

Badji mua kubaleja bipeta ne kubansolola buakuyabu ku nzubu wa londapu pabidi bitangila kulela ne ntanta.



Lukongu lujima ludi luenzela ditshinka dia bana mu diku

Kapinga ne llunga badi babanyangana disanka ne bakuabu. lukongu lujima ludi lubanga ditshinka dia bana.

Tangilayi buimpe bua kulehesha ntanta :

- Musoko mubanjika.
- Bana bonso mbalonga.
- Ka kuena kabidi nzala anyi dishibeyangana.
- Lukongu lonso ludi ne makanda, malu abu aya ku mpala.

Lukonku lua dikokangana :

Mushindu kayi udi ditshinka dia bana mua kuakaja diku dienu ?

Nganyi unudi bamanya udi ne buakuya kumvua mubelu bua bualu bua ditshinka dia bana mu diku dienu ?

Nudi mua kuenza bishi lelu bua kubanga kutshindaka bana diku dienu ?

Elanganayi menji bua bipeta bia ditshinka dia bana mu diku ne muena kueba anyi muineba. Bua bualu ebu, mukeba bua kuya ku nzubu wa londapu bua kuangata mubelu wa tshianana.

Ditshinka dia bana ne ntanta wa kubalela : bua makanda a mubidi ne bua ditanta dia diku dienu.

Tuasakidila bua ntema yenu.



USAID
FROM THE AMERICAN PEOPLE

Project AXxes
IMA / ECC / CRS / WVI



USAID
FROM THE AMERICAN PEOPLE

LMS | Leadership, Management
and Sustainability Program

